

Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH

Broj: 04-36-1-2053- 2166/13

Datum: 10.09.2024. godine

Na osnovu člana 70. stav (1) i (4) Zakona o javnim nabavkama („Službeni glasnik BiH” broj: 39/14, 59/22 i 50/24), a na preporuku Komisije za javnu nabavku broj 04-36-1-2053-2163/13 od 15.08.2024. godine, imenovane Rješenjem broj: 04-36-1-2053-2158-1/13 od 01.07.2024. godine, Federalni ministar raseljenih osoba i izbjeglica **donosi**

:

**ODLUKU
O PONIŠTENJU POSTUPKA JAVNE NABAVKE**

I

Poništava se postupak javne nabavke za izvođenje građevinskih radova na izgradnji višestambenog objekta u gradu Živinice (29 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja LD (2013) ”- Pod-projekat 078 CON, jer nije dostavljena nijedna ponuda u predviđenom roku za dostavu istih, u skladu sa članom 69. stav (2) tačka a) Zakona o javnim nabavkama („Službeni glasnik BiH” broj: 39/14, 59/22 i 50/24).

II

Odluka stupa na snagu danom donošenja i objavit će se na web-stranici Ugovornog organa (www.fmroi.gov.ba), u skladu sa članom 70. stav (6) Zakona o javnim nabavkama („Službeni glasnik BiH” broj: 39/14, 59/22 i 50/24).

O b r a z l o Ź e n j e

Postupak javne nabavke za izvođenje građevinskih radova na izgradnji višestambenog objekta u gradu Živinice (29 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja LD (2013) ”- Pod-projekat 078 CON, koji implementira PIU FBiH, pokrenut je Odlukom o pokretanju postupka javne nabavke broj: 04-36-1-2053-2158/13 od 01.07.2024. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, a u vezi sa implementacijom Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja“, koje je provedeno u periodu od 22.05.-06.06.2024. godine, svoje odgovore sa ponuđenom cijenom u predviđenom roku su dostavili Vinković d.o.o. Oštra Luka i Dola d.o.o. Cazin.

Procijenjena vrijednost nabavke iznosila je 2.795.346,27 KM bez PDV-a.

Javna nabavka je planirana u Planu javnih nabavki za 2024. godinu, za projekat CEB II-PIU FBiH i evidentirana je pod rednim brojem 05/24-CEB II, Pod-projekat 078 CON, a koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj: 39/14, 59/22 i 50/24). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14, 59/22 i 50/24).

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-3-20-3-37/24 od 02.07.2024. godine je objavljeno na Portalu javnih nabavki (www.ejn.gov.ba.)

U predmetnom postupku javne nabavke nije dostavljena nijedna ponuda u predviđenom roku za dostavu ponuda.

Komisija za javnu nabavku imenovana je Rješenjem Ugovornog organa broj: 04-36-1-2053-2158-1/13 od 01.07.2024. godine, dostavila je Zapisnik o pregledu i ocjeni ponuda broj: 04-36-1-2053-2162/13 od 15.08.2024. godine odgovornoj osobi Ugovornog organa, kao i Preporuku o poništenju postupka javne nabavke broj: 04-36-1-2053-2163/13 od 15.08.2024. godine.

S obzirom na to da nije dostavljena nijedna ponuda, ispunjeni su uslovi za poništenje predmetnog postupka javne nabavke, u skladu sa članom 69. Stav (2) tačka a) Zakonom o javnim nabavkama („Službeni glasnik BiH”, broj: 39/14, 59/22 i 50/24).

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

- Web stranica Ministarstva
- Radna grupa za javne nabavke Projekta CEB II
- a/a